

Умрин дөрөж за ап1уз!

Табасарандин сөс



Табасаран райондин
жамяльтлугъдинна - политикийн газат



Голос
Табасарана

№ 47 (1141) Жвуми, 17-пи ноябрь, 2023-пи йис (2001-пи йисан 5-пи майданмина удубч1вура)

Къягъялвалин орденар тувну



Украинайи спецоперацияйи иштирак шулайи ва гъахы ихь ватанагълийир Къягъялвалин орденарихъди лишанлу ап1увал аядатна абхъна. Думу спецоперацияйи ихь эскари, чин жанар гъайиф дара1ди, неонацистарихъди женг гъабхура, дурар т1анкъ ап1уз чалашмиш шула. Дяви, думу дяви ву. Дявидз зийнар шлударин къадарра ц1иб шулдар, хъа гъагъи женгарий гъахы зийнариан кечмиш шлударра шула.

Украинайин ругариин спецоперация ккебгъну кюдпи йис гъябгъюра. Думу вахтнан арайи ихь улкейин жара регионарианси, ихь райондианра думу женгарий иштирак шулайи ва гъахы эскар, дурари улупу гъунарази лигну, жюрбежю наградирихъди лишанлу гъап1ну ва ап1ура.

Магъа улихъна йигъарира, яни 3-пи ноябрь, «Табасаран район» МР-ин Глава Мягъямед Къурбановдихъ Украинаи к1ули гъябгъюрайи спецоперацияйин женгарий гъак1и Гурхун гъулан агъали, старший лейтенант Адам Аслановдин ва Цухдигъ гъулан агъали рядовой

Замир Гъяжалиевдин абайр-бабарихъна Къягъялвалин орденар тувну. Замир Гъяжалиев думу спецоперацияйиз чан хушниинди гъушур вуйи.

Думу серенжемди РД-ийн юстицияйин министр Ханлар Пашабегов, РД-ийн Халкъдин Собраниейин депутат Алавудин Мирзабалаев, ихь райондин военный комиссар Садик Мурадялиев, райондин Жамяльтлугъ палатайин председатель Альимирза Гъясанов, яшлуйирин Советдин председатель Къумалат Къумалатов, райондин главайин диндин месэллийиз лигру насыгъячи Надир Зульфикаров ва жарадар иштирак гъахъний.

Дурарикан гъарури спецоперацияйи гъак1и му эскарин абайр-бабарин адресназ тярифнан, гъадму гъисабнаан гъайифнанра гафар гъапнний. Абайр-бабарикан сабур ап1уб, чин хтуларин гъайгъу зигуб ккун гъап1ний ва чипхъан шлу кюмекнан хил гъач1абкруваликан гъапнний.

У. АБДУЛКЕРИМОВА.
Н. РЯГИМОВДИ
гъиву шикил.

Спорт

Волейболиан Дагъустандин Кубок

Ноябрин 11-12-ди Къалухъ Мирзайин чвурнахъ хъай спорткомплексдье волейболиан Дагъустандин Кубок к1ули гъубшну. Сач волейболиан Дагъустандин Кубок бадали соревнований ц1ий алабан жягъти «Табасаран район» МР-ин Глава Мягъямед Къурбанов вуйи. Гъадму вахта Кубок бадали вуйи Дагъустандин соревнований ихь райондье к1ули гъахуз мясляйт гъап1ний. Гъубшу йисан Дагъустандин Кубок бадали к1ули гъушу соревнованийири Хасавюрт райондин команда гъалиб гъабхъний. «Волейболиан Дагъустандин Кубокди республикайи спорти соревнованийири календарий гъадми йишв дебисна. Тамашачириз, спорти дин юк1в алидари, райондин, республикайин машгъур командийирин тамашайиз лигиз мумкинвал шулу. Гъит гужларисир гъалиб ишири!»-гъапну соревнованийири ачимиш ап1бан шадлугънан мяракайи райондин Глава Мягъямед Къурбановди. Дугъан къяляхъ удуч1вну улхури, Дагъустан Республикайин волейболин федерацияйин президент Мягъямед Гаирбетовди гъюри йисхъянина му турнириз шаир-эскер Къалухъ Мирзайин чвур тувруваликан ва дидиз Къалухъ Мирзайин ядигариз



волейболиан Дагъустандин Кубок к1уруваликан гъапну. Дугъу волейболин федерацияйин терефнаан, волейболин жюре спорт артмиш ап1бак пай кивбаз лигну, меценат, соревнованийири спонсор Неби Небиевдиз Чухсагъулун кагъаз тувну.

Гъаму йисан Кубок уйнамиш ап1бас республикайин 6 команда иштирак гъахъний: Табасаран, Хасавюрт, Къизилорт, Хунзах районарин, РД-ийн жигъиларин сборный ва ДГУ-ийн сборный командийир. Дурар къоб дестейиз пай дап1най.

(Ахир 2-пи машина.)

ОМВД-ийн пишекрар лишанлу гъап1ну



Мялум вуйиганси, ихь улкейи гъарисан 10-пи ноябрь МВД-ийн работникин йигъ къайд ап1уру. Думу йигъаз бахш вуйи шадвалин серенжемар к1ули гъахуру. Ихь райондира полицияйин работникдин йигъаз бахш вуйи серенжем 10-пи ноябрь РФ-ийн МВД-ийн Табасаран райондье айи отделин актовый залын к1ули гъубшну.

Серенжем МВД-ийн ихь райондье айи отделин начальник, полицияйин подполковник Рягым Аслановди ачимиш гъап1ну. Душваь удуч1вну улхури, дугъу пишекрар чин пишекарвалин машкврахъди тебрик ап1ури, дурариз агъалийирин

ап1уз хуркувалар хъуб ккун гъап1ну.

Уч духьнайдарин улихъ удуч1вну улхури, «Табасаран район» МР-ин Глава Мягъямед Къурбановди йиц1уд йис мидиз улихъна террористарин полицияйин отдел т1убк1увалихъди аялакъалу вуди, душваь гъийиху полицияйин пишекрар пашманвалиинди к1ваин гъап1ну ва гъапну: «Аххиримжи йиц1уд йисан райондье сакитвал хъпан бадали, учву хайлин лахин к1ули гъубхунчва. Гъамус райондье хат1алувал ужу шула. Гъамусдин сакитвалин къимат ахъюб гъабхъну. Думу 7 гъийиху полицияйин пишекрар ва ичв гъаригъандин жандилан (Ахир 2-пи машина.)

Волейболиан Дагъустандин Кубок



гъалиб гъабхыну. ДГУ-йин командайинна Къизилорт райондин командайин арайиль күли гъубшу женгнай ДГУ гъалиб гъабхыну. Финалин та-машийиль Хасавюрт райондин командайи къюптий ийсанра волейболиан Дагъустандин Кубок гъазанмиш гъап1ну. Къюпти иишв ДГУ-йин командайи, хъя шубупби иишв Къизилортдин командайи гъисину. Турнирин аххирив гъалиб гъабхы команда Кубокдихъди, призерар тялукъ дережайин медаларихъди, Гъюматтан грамотийрихъди ва къиматлу пешкешарихъди лишанлу гъап1ну.



(Эвел 1-пи машнаъ.)
Финалин гъап1ы Табасаран ва Хасавюрт районарин, ДГУ-йин ва Къизилорт райондин командайи гююшиш гъабхыну.

Гъизгъин женгнай Табасаран райондин командайин кку-дубшу ийсан Кубокдин сагыб гъабхы Хасавюрт райондин команда 2:1 гъисабниинди

**Фарзилат
РАЖАБОВА.
Нуруллагъ
РЯГЫМОВДИ
гъиву шиклар.**

ОМВД-йин пишекрар лишанлу гъап1ну



(Эвел 1-пи машнаъ.)
хил алдабгънайи ляхин ву. Райондин вари агъалиирии терефнаан учвуз чухсагъуль күрАЗА.

Мягъямед Къурбановди полицияйин ляхинъ та-фавутлу гъахъи пишекрар Чухсагъуль кагъзарихъди ва чан чвурнахъан вуйи ся-тирихъди лишанлу гъап1ну.

Саб дакъикайиль ккебехъ-бииинди душваъ полицияйин гъийиху пишекрарин яс гъюбхун.

Райондин полицияйин

пишекрар чини пишекар-валин йигъахъди гъацира райондин Суддин председа-тель Гюляли Шихгереевди, Табасаран райондин про-курорин вазифири вахтназ буди тамам ап1урайи Роберт Имамовди, райондин МВД-йин отделин начальники гъилиху, гъамус УСЗН-дин начальник Тельман Гъяжи-евди, райондин депутатарин Собранийин председатель Иса Исаевди ва полицияйин саб жерге ветеранари тэ-бик, чини читин ва жаваб-

дар ляхни хъуркъувалар, тахсиркъарин жергир ц1иб хуб күн гъап1ну.

Серенжемдин къяляхъ та-фавутлу гъахъи полицияйин пишекрар РД-йин МВД-йин ва ихъ райондин айи МВД-йин отделин терефна-ан наградийрихъди лишанлу гъап1ну.

**Хусуси мýлумат.
Нуруллагъ
РЯГЫМОВДИ
гъиву шиклар.**

Рякъ рас ап1ура

Аххиримжи вахтна ихъ райондин гъулахъна вуйи ва гъу-лан айт1 рякъяр рас ап1увалин ляхнар кми-кмиди күли гъахура. Ккудубшу гъяфтайи Хючна-Хив республикайин метлеб айи рякъюн Рухъат1 участокдиль ерлешимиш дубхъ-найи, «Куркакк гъулан совет» СП-йин дахилна айи Вечрикк гъулазди вуйи циркил ва думу гъулан айт1 рякъ рас ап1уз хъюгъну. Шубуб километр манзил вуйи думу рякъ рас ап1уз күн ап1ури, Вечрикк гъулан агъалий «Табасаран район» МР-ин Глава Мягъямед Къурбановдихъна илт1ик1ну. Дугъу дурарин хайш тамам ап1уз гаф тувну ва туву гаф тамам ап1ура - муниципалитетди туву транспортдин налогдикан пулин дакъатар ишлетмиш ап1ури, рякъ рас ап1бан ляхнар күли гъахура. Гъациб къадар дакъатар Вечрикк гъулан агъалийира, гъул`ан удуч1вну душнайдарира уч гъап1ну.

Мялум вуйиганси, хъадну ургъру мархъари, къордун ийфари ихъ гъулариз вуйи ва гъуларин айт1ан рякъяр ухди къайдайиан адауру. Дурар, ийсан саб разжукъан рас дара-п1иш, пис гъялнаш шулу.

Улихъна йигъари думу рякъ рас ап1увалин ляхнар фици күли гъягъюраш ахтармиш ап1бан бадали, заказчикдин вакил Абдуллағы Рамазанов гъушну. Рякъ рас ап1уз хъюгъну



имбу шубуд йигъандин арайиль Вечрикк гъулан къялан кюче ва думу гъулахъна гъюру шубуб километрикан саб кило-метр манзил рякъра рас дап1на. Рякъ ин лазим вуйи къадар хяхъял алабхъура, думу мархълин къалу штари дурубуз ужуйи т1ибкъура, рякъюн гъирағъдихъ къалу шид гъябгъру иишвар дап1на. Рякъ рас ап1урайидариз гъулан агъалийира чипхъан шлу кюмек ап1ура.

Вечрикк гъулаз вуйи рякъ рас ап1увал гъулан агъалийирин ва гъюкмин къувватар сат1и гъап1иган гъулан жямъяйтди лазим вуйи проектар хъуркъувалинди күлил адагъуз шлу-валин мисал вуди улупуз шулу.

**Хусуси мýлумат.
Нуруллагъ
РЯГЫМОВДИ
гъиву шиклар.**

**16-пи ноябрь – Варихалкъарин
папрус зигувализ ваъ к1уру ийтв**

Думу зегъерииз ваъ дунну ккунду

Ихъ улкейиль гъарисан ноябрин шубупби хамиш ий-гъян Варихалкъарин папрус зигувализ ваъ к1уру ийтв къайд ап1ура. Думу ийтв 1977-пи ийсан Америкайин онкологияйин Жямъялтугъ-дин жаягътувалинди тяйин гъап1уб ву. Папрусин кумру инсандин бедендиль узур уч1ру хъуз кюмек ап1ура. Статистикайин улупбари-инди, 30 процентдилан 45 процентдихъна ийхувалар папрус зигувалихъди аль-калу ву. Альмары къайд ап1урайиганси, саб пачка папрус гъизигу касдиз ургуб ражари артухъди радиа-ция шулу. Сад ийтв 20-25 папрус зигури, 30 ийсан-дин тажкуба айи касди чан гъурдларин 150-160 кило-грамм тембеку деебтурайиб гъисаб шулу.

«Папрус зигуб-инсандин бедендин сагъвализ къурху-лу ва ухди умриан гъягъюз себеб ву», - к1уру пишекра-ри. ВОЗ-ди тембеку нарко-тик вуйивал тасдик ап1ура. Пишекрарин гъисабариинди, гъамусаятна дунъ яйиль 60-рилан зина жоре тембеку

гъясил ап1ура. Урусладин айлимарин ва ВОЗ-дин экспертиарин улупбариинди, думу тембеку дунъ яйиль 1,1 миллиард1ан зина касди зигуру, яни жилиин али шубуб пай 14 ийс яшт1ан зина ву-йидари, 45 процент1ан зина жилари ва 12 процент1ан зина дишагълиири. Вари сабиши инди сад ийсан 6 миллиард1ан зина папрус зигрувал гъисаб дап1на. Тембекуй инсандин беден-диз тувру заралнан гъаврий ахъу аххиримжи 20 ийсан дунъ яйиль 140 улкейидиз къаршу къанунар адагъуз, тембеку ишлетмиш ап1увал ц1иб ап1уз чипхъан шлуб вари ап1ура. Натижайиль думу улкайири тембеку зигрударин къадар ц1иб гъабхын, хъа душвари гъя-сили ап1ури тембеку Урусладиз хуз хъюгъну.

Уруслади 44 миллион касди папрус зигура: ихъ улкейин 40 процент ахъю агъалиири, 62 процент жи-лари, 22 процент дишагъ-лиири папрус зигрувал гъисаб шула. Хъа Дагъустан (Аххир 8-пи машнаъ.)

Гъуллугъ тамам ап1ури гъак1идарин яс гъюбхну

Му серенжемдикан газатдин гъубушу нумрайиъ жикъиди чап гъап1нийча. Мялум вуйиганси, улихна йигъари ихь райондив полицияйин ляхнив гъуллугъ тамам ап1ури гъак1и полицеийскийирин яс уьбхаз бахш вуйи серенжем к1ули гъубшний. Ихь райондив дураг ургур кас ву: Рамазан Альбулаев, Назим Асланов, Султан Керимов, Мурад Къазимгъямедов, Эльдар Аджигельдиев, Габиль Альбадулов, Гъсан Мут1алимов. Дурагин гъарурин хизандиъ баяр-шубар абайихъ, хпар жиларихъ, дадийр, гагир баярихъ мягърум гъахъну. Ав, дураг гъаврий а: чин багъри касди ихь инсанарин сакитвал, архайнвал бадали чин жанар дивну. Урасатдин Федерацияйин МВД-ийн Табасаран райондив аи отедин гъятдив дурагиз бахш вуйи гюмбет дивна. Гъарисан 8-пи ноября дурагиз бахш вуйи серенжем к1ули гъябгъюру ва гюмбтихъ кюкир дивру, дурагин



карра улупни. Серенжемдиз дуфнайдарихъан, думу видеороликар улупруган, дурагиз бахш вуйи шиътар урхруган, тек-бирра ишуб дебккуз шулдай. Залиъ аидарин уларилан нивгъар

кам гъахъундай. Серенжем ккудубк1хъан дугъаз серенжемдин иштиракчирикан хайлиндари, ахирхъси чахъди саб иишвахъ дэньайидари, гъамциб сувал тувний: «Назим дук1ну

гъак1и жигъилар рякърган, юз Назим к1ваин шулиз. Жигъил уьмур хъап1уз ккунди имиди, баяр-шубарин терефнаан шадвалариз, ужувлариз ккилигуримиди, к1ару ругдиз гъушу жигъил кюмек тууз гъязурда вуйи-валиканра къайд гъап1ний. Ав, гъуллугънаа чин жанар диву полицеийскийирин, спецоперацийиъ гъийиху экскрапин хизандири гюкуматдин терефнаанра кюмек туувал заан дөрежайиъ айиб варидиз альгъяхъуз. Гъайфки, хизандин к1улихъ мягърум хувал сарихъанра къяляхъ ап1уз шлуб дар.

Къайд дап1ну ккундуки, гъамусяльтна МВД-ийн работники тамам ап1ури ляхникан ихь улькейин, душваъ яшамиш шулайи агъалириин гележег, уьмур, дуланажагъ асиллу ву. Дураги ихь кючийрий къайда уьбхювализ, тахсир ап1рударин улихъиш бисуз ва тахсир гъап1дар ашкар ап1уз, наркоманарихъди, наркотикар гъясил ап1рударихъди, дураг масу туврударихъди женг гъабхуз, гъюкуматдин, агъалириин мутму уьбхюз, иишнурга, иигънурга агъалириин гъуллугънаа хъуз, читин гъялнаа ахъдарииз сабчи кюмекнан хил гъач1аб-



хизандири пешкешар тувру.

Райондин культурайин Хулаь думу серенжем заан дөрежайиъди к1ули гъубшний. Серенжемдиз чин гъуллугъ тамам ап1ури гъак1и работникаин хизандири вакилариз теклиф дап1ний. Серенжемдиз райондин образованиеин Управлениеин пишекар Умият Маллакъурбановайин жягътлувалиндигъуларин мектебарин директорарин тербияйин ляхнинаасытъяччирихъди сат1и-ди яркыу программа гъязур гъап1ний. Душваъ мектебарин урхурайидари гъак1и работникаин адресназ бахш вуйи шиътар, мяълийир гъурхний, сягънийр, видеороликар улупни. Серенжемдиз райондин юнармейциирра иштирак гъахъну. Серенжем к1ули гъабхурайи райондин Гимназияйин урхурайидарира дурагиз бахш вуйи шиътариан къат1ар кми-кмиди текрар ап1уйи. Полицияйин гъуллугъ тамам ап1ури гъийихдаринт1ан савайи, гъамусяльтна Украинаий к1ули гъябгъюрайи спецоперацийиъ гъак1идарин суратар кайи видеороли-

гъягъойи. Чин жанар диву жигъиларин суратар рякърган, к1ваз альзаб дархъиди гъубзурдар, ахир.

хайлин вахт ву, гъеле яв уларилан нивгъар рузури имияв, ахир, дерд яваш гъахъундарин?». Дугъу

гъархуз шулин? Дугъан дерднан зиян илцибкъруб дариз. Узу ч1ивиди имиди, думу зиянра сагъ хибдар». Ду-

ккуз чипхъан шлуб варип1ура. Думу гъуллугънаа лихурайидарикан гъарсар варип1ура терефарихъан гъязурди вуйи пишекар духнуну ккунду.

Ухъуз мялум вуйиганси, гъийин деврий полицияйиъ лихурайидарин ляхин хат1алу ляхнарикан саб вуди гъисаб шула. Гъайфки, думу ляхни лихурайидарин жергиириан бандитарин хил`ан гъак1идарра хайлар а. Гъап1хъа, гъуллугъ гъашиб ву.

Мисалназ, Росстатистикаин улупбарии, ихь улькейиъ гъарисан айт1ан ляхнариан органын лихурайидарикан жаарин хил`ан сумч1урихъна работник ийк1ура. МВД-ийн руководство гъак1идарин хизандириан вуйи 20 альзурдан зина членарин, гъадму гъисабнаан 4 альзурхъна яшнакк ккудуркъу баяр-шубарин гъайгъушнаа а.

Гъит ихь улькейиъ шлуб тахсиркарваларин квадар ц1иб ишши.

**Угълангерек
АЛЬБУЛКЕРИМОВА,
отделин редактор.
Н. РЯГИМОВДИ
гъиву шиклар.**



Душваз теклиф дап1ну дуфнайдарин арайиъ Зилли гъулан альгъали, полицияйин чан гъуллугъ тамам ап1ури гъак1и Назим Аслановдин хипира айи. Серенжем к1ебгъну ккудубк1айиз, дугъан уларилан нивгъар

гъамци гъап1ний: «Му дерд яваш ап1уз шлуб дарман адар. Иллагъки гъамус, гъамусяльтна ухъуз ебхъруб, рябкъруб анжах мушваъ, тушваъ жигъилар иивну гъак1ну, кечмиш гъахъну к1ура хабарар ву. Дицдар хабарар ерхърган,

мустар дердагълийир думу залиъ хъана айи.

Серенжемдиз удуч1вну улхрударира гъак1идарин адресназ тярифнан гафар гъап1ний, хизандири гчи-хан шлуб кюмек ап1райиваликан, гъамусдихъантинара

Молодежи разъяснят последствия противоправных действий

Глава Табасаранского района Магомед Курбанов на прошлой неделе провел совещание, посвященное анализу причин и последствий беспорядков, которые произошли в аэропорту Махачкалы, и поиску мер для предотвращения подобных событий в будущем на уровне муниципалитета.

Совещание состоялось по поручению Главы РД Сергея Меликова и с участием депутата НС РД Алавудина Мирзабалаева, глав сельских поселений, представителей правоохранительных органов и духовенства.

Открывая совещание, глава муниципалитета напомнил, что Дагестан собрал более 50 млн рублей и направил гуманитарную помощь палестинцам, в мечетях регулярно проходят молитвы за мир и благополучие в Палестине.

«Безусловно то, что сейчас приходится переживать палестинскому народу, не оставит равнодушным ни одного человека, но наше сочувствие жертвам в Палестине не должно быть использовано в качестве причины для противоправных действий.

Ущерб, нанесенный нашему аэропорту, никак им не поможет. Позиция нашего государства в этом конфликте ясно выражена и базируется на необходимости создания палестинского государства. Это и должны мы донести до молодежи, чтобы она не попадала в неприятные ситуации», - подчеркнул Магомед Курбанов.

Конкретную информацию о количестве задержанных и их роде занятий привел в своем докладе начальник ОМВД России по Табасаранскому району Рагим Асланов. Ведется работа по

пресечению деятельности провокаторов и подстрекателей.

На совещании также выступили и религиозные деятели. Они указали на то, что организация и участие в таких беспорядках в религии не приветствуются.

Оптимальным и наиболее эффективным методом по недопущению повторения подобной ситуации, по мнению участников совещания, могла бы стать координированная работа местных глав, участковых, имамов, молодежных организаций, целью которой было бы отсечение молодежи от деструктивных идей. Эту работу можно провести с помощью донесения до молодежи информации о конкретных последствиях их действий и просвещения ее по религиозным вопросам.

Али Исаев.

Отдел МВД России по Табасаранскому району предупреждает

В связи со сложившейся ситуацией в социальных сетях и мессенджерах начали распространяться призывы к незаконным акциям, в частности, участие в несанкционированных митингах. Таким образом, проведение публичных акций, не согласованных в установленном законом порядке, будет являться прямым нарушением действующего законодательства.

Убедительно просим Вас провести со своими детьми беседы о недопустимости их участия в несанкциони-

рованных митингах, демонстрациях и шествиях!

Данные акции могут привести лишь к очередным провокациям и нарушениям общественного порядка, что послужит поводом для очередных задержаний правонарушителей!

Участники несанкционированных публичных мероприятий (митингов, пикетов, шествий) будут привлекаться к административной ответственности:

- административной по части 6.1 статьи 20.2 Кодекса об административных право-

нарушениях РФ (влечет наложение административного штрафа от 10 до 20 тысяч рублей, или обязательные работы на срок до 100 часов, или административный арест до 15 суток);

- уголовной по статьям 212 (наказывается лишением свободы на срок от 8 до 15 лет) и 212.1 (наказывается штрафом от 600 тысяч рублей до 1 миллиона, либо лишением свободы на срок до 5 лет) Уголовного кодекса РФ.

Отдел МВД России по Табасаранскому району.

Как не стать жертвой мошенников

В последнее время в Республике Дагестан участились случаи взлома злоумышленниками социальных сетей и мессенджеров (инстаграм, ватцап и др.), получив доступ к контактам жертв, мошенники осуществляют рассылку сообщений с просьбой отправить денежные средства на счет. Ни о чем не подозревая, лица которым осуществлена рассылка сообщений, производят соответствующие переводы денежных средств на счета злоумышленников. Если Вам поступили такие СМС сообщения, либо сообщения с различными мессенджерами (инстаграм, вот цап и др.) от ваших родственников, близких и друзей, не спешите переводить денежные средства не убедившись действительно ли это так.

Если Вам на телефонный номер поступает звонок якобы сотрудника банка, который под предлогом того, что неизвестные лица пытаются совершить хищение с вашего счета, либо производятся подозрительные операции по вашему счету или хотят на вас оформить кредит, отмены несанкционированной операции по списанию денежных средств с банковской карты, а также под предлогом оформления кредита и перевода финансовых средств на безопасный счет просит сообщить ему персональные данные по Вашей карте. Ни в коем случае не сообщайте никому номер карты, а также CVV/CVC-код, расположенный на оборотной стороне карты.

Если вы разместили объявление в сеть Интернет (Авито, Юла и прочие сайты, blablacar) о продаже чего либо, и Вам звонят, представляясь покупателями под предлогом

приобретения товаров, либо оказания услуг, и просят сообщить данные карты для перевода денег за покупку. Ни в коем случае не сообщайте никому номер карты, а также CVV/CVC-код, расположенный на оборотной стороне карты.

Если под предлогом инвестирования средств для торговли на фондовом рынке, заработка на сайте брокерской компании мошенники звонят с неизвестного номера и, завладевают персональными данными банковской карты, с которой в последующем похищают денежные средства. Ни в коем случае не сообщайте никому номер карты, а также CVV/CVC-код, расположенный на оборотной стороне карты.

Если Вам на телефон поступает звонок якобы из пенсионного фонда, налоговой службы, ЖКХ, газовых, электроснабжающих служб, и т.д., под предлогом, что вам срочно необходимо погасить задолженность, иначе будут начислены пени и штрафы, просят перевести определенную сумму денежных средств, ни в коем случае не делайте этого и обратитесь непосредственно в службу с которой якобы Вам звонили.

Будьте бдительными и не поддавайтесь на уловки мошенников.

Следователь
СГ ОМВД России
по Табасаранскому району
Р. А. Эльдаров.

Осторожно, мошенники!

Герои СВО



Указом Президента Российской Федерации, за мужество и отвагу, проявленные при исполнении воинского долга на СВО, уроженец села Ягдыг Табасаранского района, Халибеков Заур Сеферович награждён медалью «за Отвагу» и медалью «Георгиевский крест IV степени»



Указом Президента Российской Федерации, за мужество и отвагу, проявленные при исполнении воинского долга на СВО, уроженец села Куркак, Пачаев Махач Аскерович награждён медалью Жукова



Указом Президента Российской Федерации, за мужество и отвагу, проявленные при исполнении воинского долга на СВО, уроженец села Хурик Табасаранского района, Курбанов Ибрагим Сулейманович награждён медалью Жукова и медалью «Георгиевский крест IV степени»



Указом Президента Российской Федерации, за мужество и отвагу, проявленные при исполнении воинского долга на СВО, уроженец села Бурганкент Табасаранского района Аюбов Рустам Казибекови награждён медалями Суворова и Жукова

(Подготовлено по материалам СМИ).

Ижми юк1в айи табасаран шубарикан сар

Табасаран халкъдин лайкылу баярин ва шубарин жергийр чпи улупу гъуна-рариинди, игитвалариинди йигълан-йигъаз яркуу шула. Гъадарарин арайи Серт1ил гъулан агъалир, гъамус Ставрополь крайин Андроповский райондин Коскадный поселокдик яшамиш шулайи Рамазан ва Фат1имат Шихсефиеварин риши Сурият Шихсефиева. Коскадный поселокдик йирхъуби нумрайин къялан мектебдик 9-пи класс ккудубк1у Сурият Шихсефиева. Кисловодск шагърий сабпи нумрайин медучилищейи урхуз уч1вний. Медучилищейи урхуз себеб биц1идихъянина читинвал кайирин, азарлуйин язухъ кайир, кюмек тууз ккунир вуйивал вуйи. Медучилище ккудубк1у Сурият Дагъустан Республикаин СПИД-дихъди женг гъабхбан ва профилактикаин центриль лихуз хъюгъну. Сад йисан душваь лихбахъан юкъуд йисан формокологияйиъ лихури гъахъну. 2014-пи йисан Сурият Шихсефиевай Буйнагъск шагърий военный подразделениейи гъуллугъ ап1уз контракт гъбикин. Суриятдин гъардаш Романдира, чуччун



жилир Батырира Яракълу Къувватарий гъуллугъ ап1урайи. Дураги чин гъуллугънакан ихтилатар ап1урган, «узхан гъаз шулдархъа йиз гъардшихъди, язнайихъди Ватандин ислягъвал убхбан женгнаа айдарин гъуллугънаа хъуз?» к1уру фикрар гъягъуюй. Дурагин алабхъру палатдин форма Суриятдин гизаф къабулди шуйи. Гъаци, мугъура РФ-ийн Яракълу Къувватарий гъуллугъ ап1уз йикъяр гыйит1ний.

Гъелбетда, Украинаий вое-нны операция ккебгъу вах-та душваь иштирак шулайи варидизси, мугъазра зийнар гъахъи жигъиларин гъай-гъушнаа йигъ-йишиш дарпи-хуб алабхъний. Ич сюгъбатнаа Сурият-ди гъамци к1ваин ап1уйи: «Ислягъ вахта эскрарин биц1и зийнар, к1ешар гъиву-ишишвар сагъ ап1ури вердиш дуխнайириз, душмандин т1урк1барикк ккахъу, ахю зийнар дуխнайи, жуван

кюмекназ ккилигурайи жи-гъилар гъяркыиган, улардан гъябгъру нивгъ дебкүз шул-дай. Хъа узу узукна фикир ап1уза: нивгъарикан айи кюмек адар, вахтниинди ва ерийинди му жигъилариз кюмек тууз гъялак ду-хъну ккунду. Ав, вахтниинди ва ерийинди, дуэтрихъди ттархъну, узора, медсестра-рия туув кюмекнү сар-швнур жигъил айжликкан урхюз мумкинвал туувну шул. Душваь ляхин ап1бан бадали, лап ижми юк1в ади ккунду. Сифте лап читинди вуйзуз, иишвнү ц1иб вах-та гъаахиша, ий уларихъ думу зийнар дуխнайи жи-гъилар шуйиз. Хъа узу, бизар дусхназа, инжиг дусхназу к1ури, к1ул ккадабгъу вахт зат гъабхъундари. Зиян дубхнайир хубси, Яракълу Къувватарий, СВО-ий гъуллугъ ап1урайи ий багъри инсанар к1ваин шуйиз. Узу фициб метлеб ади инсанарин сагъламвалин гъаравлий хъуз къаст гъап1нуш, гъадму къаст к1улиз адабгъуси, ляхин гъап1унза ва ап1ураза.

Миржиг вазли Мелитополис гъуллугъ ап1ба-хъан, узу гъуллугъ ап1урайи часть Каховкайиз гъап1нуш. Душваьра Мелитополис алахъру читинвалар, душ-

мандин т1урк1барин зул-микк ккахъу жигъилар ц1иб шулдай. Хъа, к1уруганси, вахтну зиян сагъ, юк1вра ижми ап1уру. Вахт-вахтарик учу лихурайи йишварихъ-ра душмандин т1урк1бар гъахънушра, сифте йигъа-риси гуч1ури гъубзундайзуз. Гъелбетда, спецоперация ккебгъу вахтна душваь гъуллугъ ап1урайи варидизси, сагъламвалин гъаравлий айдариизра хайлин читинди гъабхъний, хъа гъамус ла-зим вуйи медикаментарихъ-ди, медицинайи ишлетмиш ап1ру жара шейэрихъди тяминди ву. СВО-ий лап ижми юк1в айи касдихъант1ан ляхин ап1уз даршул».

Ав, ихъ халкъдин баярихъ-ди шубарира ахиримжи вахтна спецоперацияйи гъуллугъ ап1ура, дураг гъю-куматдин терефаан гъюр-матлу лишинаизра лайкылу дусхна. Сурият Шихсефиева улихъна йигъари «Йик1у-райидар къутармиш ап1баз лигнү» медалихъди лишанлу гъап1ну. Думу медалихъди тебрик ап1ури, Сурият Ших-сефиевайиз гележегдиг жандин мөнгөкам сагъвал, к1ван шадвал ва к1ул'ин марци, ислягъ зав ккун ап1урхъ.

Фарзилат РАЖАБОВА.

Тъулан мияшат

Ихъ республикаин хурмайин бегъер уч ап1ура

Дагъустан Республикаин йимишдин ц1ийи багъар итувал, итнайдариз ужуб хъайивал ап1увал ахиримжи йисари зан дөрөжайи а пуз шулу. Дици вуйивалин себебарикан саб багъар итрудариз, дураги хъайивал ап1рудариз гъюкүматдин терефаан туврайи пулин дақъатарин кюмек гъисаб шула. Думут1анна савайи, гъясил гъап1у продукция иша ап1узра ахиримжи йисари мүмкинвалар артухъ дусхна. Ихъ республикаин йимишдин багъары ми-мидарди вари жюреин йимишар битмиш ап1ура. Мисалназ, гъулан мияшатдин ва тартиб ап1ру промышленностдин ми-нистерствойин жавабдар ксари тувру мядуматдинди, гъаму йисан республикаин йимишдин багъариан 230 агъзур тоннадилан зина йимишар уч ап1уз планламиш дап1на. Думу улупуб 2022-пи йисан 210 агъзур тонн вуйи. Гъаци, гъаму йисан уч ап1ру йимишарин къадар 10 процентдинди артухъди ву. Багахъ гележегдиг республикаин 250 агъзур тонн йимишар гъясил ап1уз планламиш дап1найиваликан жавабдар ксари къайд ап1ура. Хъа ахиримжи йисари республикаин кев-шанарын хурмайин багъар итувализ ва хурмайир артухъ уч ап1увализ асас фикир

ностдин Министрин сарпи заместитель Шарип Шариповди.

Республикаин багъары гъясил гъап1у хурмайир ре-спубликаин алверин точ-кайрият1ан, базариyt1ан савайи, Урусатдин жара ре-гионариза масу тууз гъа-хуру. Вахт ккимиidi дураги Урусатдин жара регионарин алверин точкайрихъди, баз-рары лихурайидарихъди йикъяр гыйит1ура.

Къайд. Хурма латын ч1ал-наан илт1иб1иган, Аллагъ-дин хураг к1уру гаф ву. Агъ-лиири хурмайиз къордун беъли, китайн жувгъри, Аллагъдин хуттар, к1ван вич к1ури шулу. Хурмайин т1ем дицикъан ицциб даршра, думу инсандин беденди гизаф хайирлу мейва вуди гъисаб ап1ура.

Пишекрари къайд ап1у-райиганси, инсандин беден-ди хурма вичт1ан хайирлуб ву. Хурмайик вичарикт1ан натрий, кальций, марганец, руко гизаф, гъацира дидик хурагнан волокнийр кьюб рабжари артухъди ка. Гъадрар себеб вуди, инсандин беден-диан зөгъерлу шайэр адауз хурмайикан ахюю кюмек шулу. Саб гафниинди, хурма активированный шюкъниыхъди тевуз шулу. Хурмайик бета-каротина гизаф ка, думу гъабгъикт1ан, меъли иставуткит1ан, памадрарик-т1ан хурмайик гизаф кайи-

вал айлимари ашкар дап1на. Хурма гъацира инсандин бедендин хамразра, уларин рябкьювализра, папрус зи-грударизра ужуб вуди гъисаб ап1ура. Гашди айри юк1в ккядябхъюз хурма гъип1иши, гаш'вал яваш шулу. Хурма каллорийр (100 грамм хур-майик 60-70 ккал, хурмайин сортназ дилигнү) ц1иб кайи мейва ву. Гъаддиз думу усал хъуз ккунидари менюйи ишлетмиш ап1уз хайирлу мейва вуди гъисаб ап1ура.

Хурма гъацира С витамин-дихъди девлетлу ву. Гъацири вуйиган думу мейва мич1ал дубхнайир кет1ерцнайириза дарманси артухъди ишлет-миш ап1уз теклиф дивра. Саспидари, хурмайин ши-рейик ц1ибди шид кубзину, ушвар ажагъузра ишлетмиш ап1ура. Хурмайик гизаф кайи калий юк1в, дамарар ва нервный система ужуйи лихуз кюмек ап1уру. Айссивализ къаршудира хурма иш-летмиш ап1ура, гъаз гъап1иган, думу гъип1иган, ушвар чиргурду. Диин айт1 айи гъюдлиб михик ранг хайибсиш шулу, гъаддиз дидиз шоколаддин хурма к1ури шулу. Хъа шарон-му японарин хурмайин ва вичун гибрид ву. Ип1урган, дирида дицикъан ушвар чиргурда, ици т1ем хъайиб ву. Шарон сортнан хурмайик гилар шулдар, диин гал ч1иллиб ва акв тувруб шулу.

Хурма кулинарияйиъя яркыди ишлетмиш ап1ура. Хурмайирин вахтна дураг гизаф ит1инай ва ичв сагъвал мөнгөкам ап1инай. Гъамус-сяльтна думу вахт улубкъна. Ихъ алверин точкайрий жюрбекжор сортнан хурмайир гизаф а.

**(Гъязур гъап1ур
Угълангерек
АЛЬДУЛКЕРИМОВА).**

ивну, сад-швнуд йигъан морозильникдик дивуз теклиф ап1ура. Хурма хъубкынайиб вуйин-дарин, диин ч1атан рябкьювализ гъилигиган, айгъю шулу. Хъубкынайи хурмайин гал ижмиб ва сак1либ, диин гъвалар гъюдлидар, рижвнахъишв гъе-ебщүб ва муч1у рангнануб дусхну ккунду.

Айдати сортнан хур-майирт1ан савайи, королек, шарон хурмайирра ухъухь битмиш шула. Дураг фици жара ап1уз шулу? Мисалназ, королек-му айдати хурмасиб ву, амма, диин айт1 гилар ади шулу. Думу гъип1ну к1ури, ушвар чиргурда. Диин айт1 айи гъюдлиб михик ранг хайибсиш шулу, гъаддиз дидиз шоколаддин хурма к1ури шулу. Хъа шарон-му японарин хурмайин ва вичун гибрид ву. Ип1урган, дирида дицикъан ушвар чиргурда, ици т1ем хъайиб ву. Шарон сортнан хурмайик гилар шулдар, диин гал ч1иллиб ва акв тувруб шулу.

Хурма кулинарияйиъя яркыди ишлетмиш ап1ура. Хурмайирин вахтна дураг гизаф ит1инай ва ичв сагъвал мөнгөкам ап1инай. Гъамус-сяльтна думу вахт улубкъна. Ихъ алверин точкайрий жюрбекжор сортнан хурмайир гизаф а.

1	2	3	4	5	6							
Жизненный путь	Мужик у вымени	Остров Калимантан	Чувство страха	"Ревизия" в переводе	Автор "Саги о Форсайтах"	6						
Слой атмосферы	3 копейки в старь	?										
При-тесни-тель	Театр Марка Захарова	→										
Высший пик Пи-ренеев	Марка холдингов	4	Хищная камба-ла	"Злая дворничиха ..."	Кино-студия на Неве		Индейцы из Дакоты					
"Таня + Володя" (певец)		?	Доктор Пастернака	Автор "Травяты"			"Литраж от бурёнки"					
Вулкан близ Токио	Фамилия певца Юлиана	3	Сочинская гора	Документ в ЭВМ			Горе-вояка					
Ширина крыльев	?	1					Страна Балтии					
Дальнее пастбище	→			Приток Енисея	→							

Думу зегъериз ваь дупну ккунду

(Эвел 2-пи машнаъ.)

Республика гысадназ гъадаб-гъиш, душваш папрус зигру агъалийирин къадар лап ц1иб ву. Инкар ап1урдахь, ц1ибди вушра, республикайи кми-кими迪 дишағлийирин арайъира, иллагъаки жигъил шубарин арайъи папрус зигрудар рякъюри шулу.

Экспертарин гысадбариинди, Урусатдъя варит1ан гизаф папрус зигру агъалийирин тешкилатчир райондин образованиеин Управление, 3-пи нумрайин ДЮСШ вуви. 2023-пи йисан октябрин 19-диан 20-диз муниципалин этапдин тамашийр к1ули гъушну.

Футболин сереннованийин тешкилатчир райондин образованиеин Управление, 3-пи нумрайин ДЮСШ вуви. 2023-пи йисан октябрин 19-диан 20-диз муниципалин этапдин тамашийр гъахъиний. Дураг 5 зонайъ к1ули гъушний.

Муниципалин этапдъя 26 мектебдии 1253 урхурайир (132 команда) иштирак гъахъину. Финализ 42 команда удуч1вну.

Финалиъ ишвар гъамци пай гъахъиний:

Табасаран райондъя «Мектебдъя футболин лига» проектдин муниципалин этап ккудубк1ну

Ноябрин 6-ди Хючна гъулаъ райондин стадиондин «Мектебдъя футболин лига» проектдин муниципалин этапдин 2-пи классарин 10-пи классариз урхурайидарин арайъи финалин тамашийр к1ули гъушну.

Футболин сереннованийин тешкилатчир райондин образованиеин Управление, 3-пи нумрайин ДЮСШ вуви. 2023-пи йисан октябрин 19-диан 20-диз муниципалин этапдин тамашийр гъахъиний. Дураг 5 зонайъ к1ули гъушний.

Муниципалин этапдъя 26 мектебдии 1253 урхурайир (132 команда) иштирак гъахъину. Финализ 42 команда удуч1вну.

Финалиъ ишвар гъамци пай гъахъиний:

2-пи классарин арайъи:
1-пи ишв - Хючнаарин СОШ;
2-пи ишв - Т1иварин СОШ.

3-пи классарин арайъи:
1-пи ишв - Т1иварин СОШ;
2-пи ишв - Къужникарин СОШ.

4-пи классарин арайъи:
1-пи ишв - Хючнаарин СОШ;
2-пи ишв - Къужникарин СОШ;
3-пи ишв - Т1иварин СОШ;

СОШ.

5-пи классарин арайъи:
1-пи ишв - Ц1ийи-Лижв'арин СОШ;

2-пи ишв - Пилгъарин СОШ;

3-пи ишв - Курккарин СОШ.

6-пи классарин арайъи:
1-пи ишв - Хючнаарин СОШ;

2-пи ишв - Сиртчарин СОШ;

3-пи ишв - Къужникарин СОШ.

7-пи классарин арайъи:
1-пи ишв - Хючнаарин СОШ;

2-пи ишв - Къужникарин СОШ;

3-пи ишв - Т1иварин СОШ.

8-пи классарин арайъи:
1-пи ишв - Т1юргъарин СОШ;

2-пи ишв - Табасаран райондин Гимназия;

3-пи ишв - Халгъарин СОШ.

9-пи классарин арайъи:
1-пи ишв - Т1юргъарин СОШ;

2-пи ишв - Хючнаарин СОШ;

3-пи ишв - Къужникарин СОШ.

10-пи классарин арайъи:
1-пи ишв - Табасаран райондин Гимназия;

2-пи ишв - Къужникарин СОШ;

3-пи ишв - Т1юргъарин СОШ.

Гъильиб гъахъи ва приздин ишвар гъазанмиш гъап1у командийр кубкирихъди, тялукъ медаларихъди ва грамотирихъди лишанлу гъап1ну.

Пешкешар тувбан серенжемдъя Табасаран райондин администрацияин, образованиеин Управлениеин вакилар, спортдин отделин начальник, спортухойдийр директорар Табасаран райондин сборный командайин тренер ва биц1идарин абиир-бабарра иштирак гъахъину.

Удуч1вну гъулхари гъамциб ужуб серенжемдин тешкилатчир из ахю чухса-

гъул гъап1ну ва «Мектебдъя футболин лига» проектдин республикайин этапдъя жиан турнир тешкилтуди к1ули гъягъювали ихъ райондин руководствой ахиримжи

йисари урхурайидарин ва жигъиларин спортдин ахю

фикар туврайивал субут ап1ура.

Гъязур гъап1ур

У. КЪУРБАНОВА.

Тяди кюмек тувбан бадали

кайин клиникайин больницаиз гъауз йикъярар гъап1ну.

Райондин стадиондъя Ми-8 санитарный вертолет дубсну, дидихъди гъафи тяди кюмек-нан дуэтари, ихъ больницаиз дуэтари хурихъди райондин больницайи азарлуйин гъялназ дилигну, думу вертолетдъи тяди кюхахуз къарап адабгъуну.

«Специализламиш да-п1найи клиникайиз азарлуп гъахбан бадали, авиация ишлетмиш ап1уб ахю кюмек ву. Тяди кюмек лазим вуйи, гъацдар читин дюшюшарий авиацая ишлетмиш ап1уб алабхъуру, лазим вуйи ишваз азарлуп тяди хъуркували ахю кюмек туру», - гъап1ну райондин центральный больницайин к1улин дуэтур Абсередтин Мирзабеговди.

Хусуси мялумат.
Н. РЯГЫМОВДИ
гъиву шикил.



Азарлуйиз тяди кюмек ин ччурнахъ хъайи Республики

«Табасарандин сес» – ихъ багъри газат

Гъюрматлу ватанагълийир!

Гъамусаяльтна 2024-пи йисас «Табасарандин кепек, индекс – 63316; 6 вазлиз – 388 манатна 03 сес» газатдиз подписка давам шула.

подпискайин кымат: йисас – 776 манатна 03
02 кепек, индекс – 51375.

Ихъ багъри «Табасарандин сес» газатдиз

Редакция.

Биц1идарин багъ рас ап1иди

«Т1юрягъ гъул совет» СП-ийн администрацияин Т1юрягъ гъулан биц1идарин багъ капитально рас ап1бан проект Дагъустан Республикийин Минэкономразвитияин 2024-пи йисас вуйи «Ерли жигътлувалар» конкурсыз адабгъуну.

Ахиримжи йисари Т1юргъарин биц1идарин багъ шарапт адру дараматдиз а. Думу дарамат халачийр урху цех вуйи ва суддин къаариинди «Т1юргъарин гъулан совет» СП-ийн администрацияиз түвний.

Улихнааси «Т1юрягъ гъул совет» СП-ийн сход к1ули гъубшну. Думу сходдигъ ямсяялти «Ерли жигътлувалар» программайи иштирак хъуз къарап адабгъуну..

Т1юрягъ гъул, дугъридан, ихъ райондъя варит1ан ахю гъуларикан саб ву. Мектебдъя яшнакк ккуркайиз вуйи образованиеин гъийин деврин т1алабариз жаваб тувру идара гъулан артиш вализ чарасуз лазим ву.

Проект Дагъустан Республикийин Минэкономразвитияин конкурсыз къабул гъап1иши, думу биц1идарин багъ капитально рас ап1иди.

«Ерли жигътлувалар» конкурсдин шарт1ариз асас, проектдиз дакъатар республикайин ва муниципалин бюджетариан деетру, гъацира харжарин саб къадар пай чайна гъадабгъру меценатра ади хъувал лазим ву.

У. КЪУРБАНОВА.

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.

По всем вопросам качества печати обращаться в типографию

Тираж 2145
Заказ №

Учредитель:
Администрация МР
«Табасаранский район».

Главный редактор
И.М. Яралиев.

Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер:
ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя:
368650 РД, Табасаранский район, с.Хучни, «Редакция газеты «Табасарандин сес» («Голос Табасарана»).
Срок подписания в печать - 17.00
Подписано в печать - 17.00

Телефон:

Главного редактора -
8-967-390-76-85.

Адрес электронной почты:
golostab@mail.ru